

Miserére nostri, Dómine : * mi-
serére nostri.

Fiat misericórdia tua, Dómi-
ne, super nos : * quemádmodum
sperávimus in te.

In te, Dómine, sperávi : * non
confúndar in æténum.

AD LAUDES.

F. Deus, in adjutorium meum
inténde. **B.** Dómine, ad adjuván-
dum me festína.

F. Glória Patri, et Fílio, et Spi-
ritui sancto. **B.** Sicut erat in prin-
cipio, et nunc, et semper, et in sæ-
cula sæculórum. Amen. Allelúia.

AÑA. Sapiéntia ædificávit sibi
domum, míscuit vinum, et pó-
suit mensam, allelúia.

Psalmus 92.

DOMINUS regnávit, decórem in-
dútus est : * indútus est Dómi-
nus fortitúdinem, et præcínxit se.

Etenim firmávit orbem terræ,
* qui non commovébitur.

Paráta sedes tua ex tunc : * a
sæculo tu es.

Elevavérunt flúmina, Dómine :
* elevavérunt flúmina vocem
suam.

Elevavérunt flúmina fluctus
suos, * a vócibus aquárum mul-
tárum.

Mirábiles elatiónes maris , *
mirábilis in altis Dóminus.

Testimónia tua credibília facta
sunt nimis : * domum tuam de-
cet sanctitúdo, Dómine, in lon-
gitúdinem diérum.

AÑA. Sapiéntia ædificávit sibi
domum, míscuit vinum, et pó-
suit mensam, allelúia.

AÑA. Angelórum esca nutriti-
sti pópulum tuum, et panem de
cœlo præstítisti eis, allelúia.

Psalmus 99.

JUBILATE Deo, omnis terra : *
servíte Dómino in lætitia.

Introíte in conspéctu ejus, * in
exsultatióne.

Scítote, quóniam Dóminus ipse
est Deus : * ipse fecit nos, et non
ipsi nos :

Pópulus ejus, et oves páscuæ ejus : * introíte portas ejus in confessióne, átria ejus in hymnis: confitémini illi.

Laudáte nomen ejus : quóniam suávis est Dóminus, in æténum misericórdia ejus : * et usque in generatióne et generatióne véritas ejus.

Aña. Angelórum esca nutrívisti pópulum tuum, et panem de cœlo præstítisti eis, allelúia.

Aña. Pinguis est panis Christi, et præbébit delícias régibus, allelúia.

Psalmus 62.

DEUS, Deus meus, * ad te de luce vígilo.

Sitívit in te ánima mea, * quam multiplíciter tibi caro mea.

In terra desérta, et ívia, et in aquósa : * sic in sancto appáruí tibi, ut vidérem virtútem tuam, et glóriam tuam.

Quóniam mélior est misericór-

dia tua super vitas : * lábia mea laudábunt te.

Sic benedíciam te in vita mea : * et in nómine tuo levábo manus meas.

Sicut ádipe et pinguédine repleátur ánima mea : * et lábiis exsultatiónis laudábit os meum.

Si memor fui tui super stratum meum, in matutínis meditábor in te : * quia fuísti adjútor meus.

Et in velaménto alárum tuárum exsultábo, adhæsit ánima mea post te : * me suscépit dexter tua.

Ipsi vero in vanum quæsiérunt ániam meam, introíbunt in inferiéra terræ : * tradéntur in manus gládii , partes vúlpium erunt.

Rex vero lætábitur in Deo, laudabúntur omnes qui jurant in eo : * quia obstrúcum est os loquéntium iníqua.

Hic non dicitur Glória Patri.

Psalmus 66.

DEUS misereártur nostri, et bен-
dícat nobis : * illúminet vul-
tum suum super nos, et misereá-
tur nostri.

Ut cognoscámus in terra viam
tuam : * in ómnibus Géntibus sa-
lutare tuum.

Confiteántur tibi pópuli, Deus :
* confiteántur tibi pópuli omnes.

Læténtr et exsúltent Gentes :
* quóniam júdicas pópulos in
æquitáte, et Gentes in terra díri-
gis.

Confiteántur tibi pópuli Deus :
confiteántur tibi pópuli omnes :
* terra dedit fructum suum.

Benedícat nos Deus, Deus no-
ster, benedícat nos Deus : * et mé-
tuant eum omnes fines terræ.

Aña. Pinguis est panis Christi,
et præbébit delícias régibus, al-
lelúia.

Aña. Sacerdótes sancti incén-
sum et panes ófferunt Deo, alle-
lúia.

Canticum trium Puerorum.

Danielis. 3. e

BENEDICITE, ómnia ópera Dómi-
ni, Dómino : * laudáte et su-
perexaltáte eum in sæcula.

Benedícite, Angeli Dómini, Dó-
mino : * benedícite, cœli, Dómino.

Benedícite, aquæ omnes, quæ
super cœlos sunt, Dómino : * be-
nedícite, omnes virtutes Dómini,
Dómino.

Benedícite, sol, et luna, Dómi-
no : * benedícite, stellæ cœli, Dó-
mino.

Benedícite, omnis imber, et
ros, Dómino : * benedícite, omnes
spíritus Dei, Dómino.

Benedícite, ignis, et æstus, Dó-
mino : * benedícite, frigus, et
æstus, Dómino.

Benedícite, rores, et pruína,
Dómino : * benedícite, gelu et
frigus, Dómino.

Benedícite, gláicies, et nives,
Dómino : * benedícite, noctes, et
dies, Dómino.

Benedícite, lux, et ténebræ,
Dómino : * benedícite, fúlgura,
et nubes, Dómino.

Benedícat terra Dóminum : *
laudet, et superexáltet eum in
sæcula.

Benedícite, montes et colles,
Dómino : * benedícite, univérsa
germinántia in terra, Dómino.

Benedícite, fontes, Dómino : *
benedícite, mária, et flúmina,
Dómino.

Benedícite, cete, et ómnia quæ
movéntur in aquis, Dómino : *
benedícite, omnes vólucres cœli,
Dómino.

Benedícite, omnes béstiae, et
pécora, Dómino : * benedícite,
filii hóminum, Dómino.

Benedícat Israel Dóminum : *
laudet et superexáltet eum in sæ-
cula.

Benedícite, sacerdótes Dómini,
Dómino : * benedícite, servi Dó-
mini, Dómino.

Benedícite, spíritus, et ánimæ

justórum, Dómino : * benedícite,
Sancti et húmiles corde, Dómi-
no.

Benedícite, Ananía, Azaria,
Mísael, Dómino : * laudáte, et su-
perexaltáte eum in sæcula.

Benedicámus Patrem, et Fí-
lium, cum sancto Spíritu : * lau-
démus et superexaltémus eum in
sæcula.

Benedíctus es, Dómine, in fir-
maménto cœli : * et laudábilis,
et gloriósus, et superexaltátus in
sæcula.

**Hic non dicitur Glória Patri.
neque Amen.**

Aña. Sacerdótes sancti incén-
sum et panes ófferunt Deo, alle-
lúia.

Aña. Vincénti dabo manna ab-
scónditum, et nomen novum, al-
lelúia.

Psalmus 148.

LAUDATE Dóminum de cœlis : *
laudáte eum in excélsis.

Laudáte eum, omnes Angeli

ejus : * laudáte eum, omnes Virtutes ejus.

Laudáte eum, sol et luna : * laudáte eum, omnes stellæ et lumen.

Laudáte eum, cœli cœlorum : * et aquæ omnes, quæ super cœlos sunt, laudent nomen Dómini.

Quia ipse dixit, et facta sunt : * ipse mandávit, et créata sunt.

Státuit ea in ætérnum, et in sæculum sæculi : * præcéptum pósuit, et non præteríbit.

Laudáte Dóminum de terra, * dracónes, et omnes abyssi.

Ignis, grando, nix, gláicies, spíritus procellárum : * quæ fáciunt verbum ejus :

Montes, et omnes colles : * ligna fructífera, et omnes cedri :

Béstiae et univérsa pécora, * serpentes, et vólucres pennátæ :

Reges terræ, et omnes pópuli : * príncipes, et omnes júdices terræ.

Júvenes et vírgines, senes cum

junióribus laudent nomen Dómini : * quia exaltátum est nomen ejus solíus.

Conféssio ejus super cœlum et terram : * et exaltávit cornu pópuli sui.

Hymnus ómnibus sanctis ejus : * fíliis Israël, pópulo appropinquéanti sibi.

Hic non dicitur Glória Patri.

Psalmus 149.

CANTATE Dómino cánticum nōvum : * laus ejus in Ecclésia sanctórum.

Lætétur Israël in eo, qui fecit eum : * et fílli Sion exsúltent in rege suo.

Laudent nomen ejus in choro : * in tympano et psaltério psallant ei.

Quia beneplácitum est Dómino in pópulo suo : * et exaltábit mansuétos in salútem.

Exsultábunt sancti in glória : * lætabúntur in cubílibus suis.

Exaltationes Dei in gútture eó-

rum : * et gládii ancípites in má-nibus eórum :

Ad faciéndam vindictam in na-tiónibus : * increpatíones in pó-pulis.

Ad alligándos reges eórum in compédibus : * et nóbiles eórum in mánicis férreis.

Ut fácient in eis judícium con-scriptum : * glória hæc est ómni-bus Sanctis ejus.

Hic non dicitur Glória Patri.

Psalmus 150.

LAUDATE Dóminum in sanctis Le-jus : * laudáte eum in firma-ménto virtútis ejus.

Laudáte eum in virtútibus ejus : * laudáte eum secúndum multitúdinem magnitúdinisejus.

Laudáte eum in sono tubæ : * laudáte eum in psaltério, et cí-thara.

Laudáte eum in tympano, et choro : * laudáte eum in chordis et órgano.

Laudáte eum in cymbalis be-

nesonántibus , laudáte eum in cymbalis jubilatiónis : * omnis spíritus laudet Dóminum.

Aña. Vincénti dabo manna ab-scónditum, et nomen novum, al-lelúia.

Capitulum. 1. Cor. 11.

FRATRES : Ego enim accépi a Dómino, quod et trádidi vobis, quóniam Dóminus Jesus in qua nocte tradebátur, accépit panem, et grátias agens fregit, et dixit : Accípите, et manducáte : Hoc est Corpus meum, quod pro vobis tra-détur : hoc fácite in meam com-memoratiónem. **R.** Deo grátias.

Hymnus.

VERBUM supernum pródiens,
Nec Patris linquens déxteram,
Ad opus suum éxiens,
Venit ad vitæ vésperam.
In mortem a discípulo
Suis tradéndus æmulis,
Prius in vitæ férculo
Se trádidit discípulis.
Quibus sub bina spécie

Carnem dedit et sanguinem ;
 Ut dúplicis substántiæ
 Totum cibáret hóminem.
Se nascens dedit sócium,
 Convéscens in edúlium,
 Se móriens in prétium,
 Se regnans dat in præmium.
O salutáris Hóstia,
 Quæ cœli pandis óstium :
 Bella premunt hostília,
 Da robur, fer auxílium.
Uni trinóque Dómino,
 Sit sempitérna glória :
 Qui vitam sine térm̄ino
 Nobis donet in pátria. Amen.

P. Pósuit fines tuos pacem, al-
 lelúia. **E**. Et ádipe fruménti sá-
 tiat te, allelúia.

Ad Benedictus, Aña. Ego sum
 panis vivus, qui de cœlo descén-
 di : si quis manducáverit ex hoc
 pane, vivet in aetérnum, allelúia.

Canticum Zachariæ. Lucæ 1. g.
BENEDICTUS Dóminus Deus Is-
 raël, * quia visitávit, et fecit
 redemptiōnem plebis suæ :

Et eréxit cornu salútis nobis, *
 in domo David púeri sui.

Sicut locútus est per os San-
 ctórum, * qui a sæculo sunt, Pro-
 phétarum ejus.

Salútem ex inimícis nostris, *
 et de manu ómnium, qui odérunt
 nos :

Ad faciéndam misericórdiam
 cum pátribus nostris : * et me-
 morári testaménti sui sancti.

Jusjurándum, quod jurávit ad
 Abraham patrem nostrum, * da-
 tūrum se nobis.

Ut sine timóre de manu inimi-
 córum nostrórum liberáti, * ser-
 viámus illi.

In sanctitatē et justitia coram
 ipso, * ómnibus diébus nostris.

Et tu, puer, Prophéta Altíssimi
 vocáberis : * præfbis enim ante
 fáciem Dómini parare vias ejus :

Ad dandam sciéntiam salútis
 plebi ejus : * in remissiōnem pec-
 catórum eórum.

Per víscera misericórdiæ Dei

nostrī : * in quibū visitāvit nos,
óriens ex alto :

Illumināre his, qui in ténebris,
et in umbra mortis sedent :
* ad dirigéndos pedes nostros in
viam pacis.

Glória Patri. Sicut erat.

Aña. Ego sum panis vivus, qui
de cœlo descéndi : si quis man-
ducáverit ex hoc pane, vivet in
æténum, allelúia.

f. Dóminus vobíscum. R. Et
cum spíritu tuo.

Orémus. Oratio.

DEUS, qui nobis sub Sacraménto
mirábili, passiónis tuæ me-
móriam reliquísti : tríbue quæ-
sumus ; ita nos Córporis et Sán-
guinis tui sacra mystéria vene-
rári, ut redemptiōnis tuæ fru-
ctum in nobis júgiter sentiámus :
Qui vivis et regnas cum Deo Pa-
tre in unitáte Spíritus sancti
Deus, per ómnia sæcula sæculó-
rum. R. Amen.

f. Dóminus vobíscum. etc. 20.

AD PRIMAM.

Pater noster. Ave María. Credo.
f. Deus, in adjutórium. etc. 9.

Hymnus.

JAM lucis orto sídere
Deum precémur súpplices,
Ut in diúrnis áctibus
Nos servet a nocéntibus.
Linguam refrænans témeret,
Ne litis horror ísonet :
Visum fovéndo cóntegat,
Ne vanitátes háuriat.
SINT pura cordis íntima
Absístat et vecórdia :
Carnis terat supérbiam
Potus cibique párcitas.
UT cum dies abscésserit,
Noctémque sors redúxerit,
Mundi per abstinentiam
Ipsi canámus glóriam.
JESU, tibi sit glória,
Qui natus es de Vírgine,
Cum Patre, et almo Spíritu,
In sempitérna sæcula.

Amen.

Aña. Sapiéntia.

CORP. CHRISTI.